

## Art. 46 - Intrada a is àutus

1. Dònna citadinu tenit intrada libera a sa consultazioni de is àutus de s'amministratzioni comunali e de is sogetus, puru privaus, ca manixant servìtzius pùblicos.
2. Podint èssiri bogaus de sa consultazioni is àutus ca dispositzionis legislativas craras narant ca funt arriservaus o sutapostus a làcaras de divulgatzioni.
3. Sa consultazioni de is àutus naraus in su primu comma, si depit fai chentza formalidadis particularis, cun unua pregunta arrexonada de s'interessau, in is tempus stabilius de unu regulamentu apostu.
4. Chi narat ca no s'impiegau o funtzionàriu ca tenit in depòsitu s'àutu s'interessau podit annoai sa pregunta scriendidda a su Sìndigu de su Comunu, ca depit nai is determinatzionis cosa sua po su chi pertocat sa chistioni intra seti dis de candu at arriciu sa pregunta etotu.
5. Chi narat ca no depint èssiri a manera crara postus, scriendiddus, is àrticulus de lei ca no faint fai sa divulgatzioni de s'àutu preguntau.
6. Su regulamentu decedit is tempus e is maneras po manixai is diritus prevìdius in custu articulu.

## Art. 47 - Diritu de informatzioni

1. Totus is àutus de s'amministratzioni, bogaus cussus chi tenint unu destinatàriu determinau, funt pùblicos e depint èssiri beni publicizaus.
2. Sa publicatzioni acostumat a èssiri fata po mèdiu de su dda apicai in unu logu bellu po cussu, innoi podint arribai totus, postu a s'intrada de sa domu comunali e secundu s'inditu de su Sìndigu in logus bellus po custa faina, chi funt fatus po custui.
3. Su dd'apicai est a interessu de su Segretàriu Comunali ca tenit s'agiudu de unu missu e, pustis s'atestatzioni de issu, certificat ca c'est stètia publicatzioni.
4. Is àutus ca tenint unu destinatàriu determinau depint èssiri notificaus a s'interessau.
5. Is ordinàntzias, su donai contributus a entis e assòtzius depint èssiri publicizaus po mèdiu de ddas apicai.

6. In prus, is àutus de importu prus mannu, chi funt in su regulamentu, depit èssiri apicaus me is logus publicitàrius e cun dònna àtera aina chi abisòngiat po ddu fai sciri beni.